



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 125. Oratores ab Eugenio simul & a Basileensibus Bituricum ablegati.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

§. CXXIV.

*Conventus Bituricensis.*Sæcul. XV.
A.C. 1340.

Sub idem tempus Delegati ultro citro-
que ad Bituricensem conventum ad-
volabant, in qua Carolus VII. Galliarum
Rex super Ecclesiæ schismate unacum
Prælati, ac Proceribus suis deliberabat.

*Acta Patricii
tom. 13, conc.
p. 1586.*

§. CXXV.

*Oratores ab Eugenio simul & a Ba-
sileensibus Bituricum ab-
legati.*

Ad hunc conventum Basileenses decer-
nebant Joannem de Segovia, qui Sy-
nodi partes tueretur: Eugenius vero
Cardinalem Turrecrematam Oratorem eo
ablegabat. Excipiebantur in variis Ses-
sionibus utriusque partis rationes, ac
præprimis Eugenii Papæ Orator Gallia-
rum Regem rogare jubebatur. I. *Ut re-
probaret Conventum Basileensem ab eo tem-
pore, quo translatus fuerat Ferrariam, &
approbaret Ferrariense Concilium.* II. *Ut
nullo modo depositioni Papæ Eugenii con-
sentiret, sed electionem Ducis Sabaudiaë
per Basileense Concilium factam rejiceret.*
III. *Ne ad Principum Germaniæ comitia
Moguntiaë celebranda, inconsulto Pontifice,
suos mitteret.* Eugenius hæc a Rege

O o 5

Gallo-

Sæcul. XV.

A. C. 1440

Gallorum postulari curavit, probe gnarus de Papatu suo, præcisa omni ulteriore progressu spe, penitus actum iri, si Carolus VII. Moguntiam suos decerneret Oratores, qui Felicis V. electionem confirmarent: huic ergo malo opportune prospicere, easdem preces apud ceteros omnes Principes interponi fecit. IV. Denique Papa per suum Legatum a Rege postulavit, ut Pragmaticam Sanctionem suspenderet, & quod Eugenius providere de beneficiis ad Regis desiderium. Postera die admissi sunt Felicis, ac Basileensis Concilii Oratores, quos Rex magnis benevolentiae signis excepit: hos inter Thomas de Corcellis prolixo sermone demonstrare conabatur, quod sententia contra Eugenium lata foret æquissima, nec non Felicis electio canonica, legumque præscripto consona.

§. CXXVI.

Bituricensium responsio ad postulata Oratorum Eugenii.

Cum Prælati, qui Biturigibus conveniant, articulos ab Eugenii Legatis propositos seria, & ad sextum usque diem protracta deliberatione perpendissent, die secunda Septembris Rex ipse met præsens per Martinum Gouge Claramontensem Episcopum, primum frat-